



ИРГЭНИЙ НИСЭХИЙН ЕРӨНХИЙ ГАЗАР

ИРГЭНИЙ НИСЭХИЙН ДҮРЭМ-65

**НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ АЖИЛТНЫ
ҮНЭМЛЭХ, ЗЭРЭГЛЭЛ**

ТАЙЛБАР

ИНД-65 нь нислэгийн хөдөлгөөний үйлчилгээний ажилтанд мэргэжлийн үнэмлэх, зэрэглэл олгоход тавигдах шаардлага болон уг үнэмлэх, зэрэглэлийн хүрээнд эдлэх эрх, хязгаарлалтыг тогтооно.

Энэ дүрэм нь Иргэний нисэхийн асуудал эрхэлсэн Засгийн газрын гишүүний /Сайдын/ баталсан ИНД-65-ын эх хувьд нийцсэн, хүчин төгөлдөр хувилбар бөгөөд зөвхөн лавлагааны хэлбэрээр ашиглагдана.

Дүрмийн батлагдсан албан ёсны хуулбарыг ИНЕГ-аас, эсхүл тус газрын вэб хуудас: www.mcaa.gov.mn-аас татан авч хэрэглэж болно.

Нэмэлт өөрчлөлтийн түүх

Энэ дүрэм нь 2001 оны 06 дугаар сарын 01-ний өдрөөс эхлэн хүчин төгөлдөр мөрдөгдөж эхэлсэн.

Нэмэлт өөрчлөлтүүд:

- Нэмэлт өөрчлөлт 2002.09.17
65.18-ын (б)-гийн 1/-ийн “НХҮ-ний байгууллага” гэсний дараа “буюу” гэж нэмж оруулсан.

- Нэмэлт өөрчлөлт-2 2005.09.14

- Шинэчлэгдсэн 2010.04.16

- Шинэчлэгдсэн 2011.12.12

- Нэмэлт өөрчлөлт-1 2013.01.11
65.103-ын (а)-гийн 5/-ыг Ж бүлгийн 65.305-ын холбогдох шаардлагыг гэж өөрчилсөн.

ИРГЭНИЙ НИСЭХИЙН ДҮРЭМ - 65**НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ АЖИЛТНЫ ҮНЭМЛЭХ, ЗЭРЭГЛЭЛ**

А БҮЛЭГ. ЕРӨНХИЙ ЗҮЙЛ	6
65.1. Зорилго	6
65.3. Тодорхойлолт	6
65.5. Ерөнхий шаардлага	6
65.7. Үнэмлэх ба зэрэглэл	6
65.9. Нөөц	7
65.11. Өргөдөл гаргах	7
65.13. Үнэмлэх, зэрэглэл олгоход тавигдах ерөнхий шаардлага.....	7
65.15. Үнэмлэх, зэрэглэлийн хүчин төгөлдөр байдал	8
65.17. Шалгалт	8
65.19. Шалгалтын үед хориглох зүйлс, авах арга хэмжээ.....	8
65.21. Мэргэжлийн ур чадварт тавигдах шаардлага	8
65.23. Үнэмлэхийг нөхөн олгох.....	8
65.25. Эрүүл мэндийн шаардлага.....	9
65.27. Нисэхийн англи хэлний ур чадварт тавигдах шаардлага.....	9
65.29. Үнэмлэх эзэмшигчийн хүлээх үүрэг.....	9
Б.БҮЛЭГ. СУРАГЧ НИСЛЭГИЙН УДИРДАГЧИЙН ҮНЭМЛЭХ	9
65.51. Үнэмлэх авахад тавигдах шаардлага	9
65.53. Эрх, хязгаарлалт.....	10
65.55. Дадлага туршлагад тавигдах шаардлага	10
В БҮЛЭГ. НИСЛЭГИЙН УДИРДАГЧИЙН ҮНЭМЛЭХ	10
65.103. Үнэмлэх авахад тавигдах шаардлага	10
65.105. Эрх, хязгаарлалт	11
Г БҮЛЭГ. НӨӨЦ	12
Д БҮЛЭГ. НИСЛЭГИЙН МЭДЭЭЛЛИЙН АЖИЛТНЫ ҮНЭМЛЭХ	12
65.203. Үнэмлэх авахад тавигдах шаардлага	12
65.205. Эрх, хязгаарлалт	12
Е БҮЛЭГ. НӨӨЦ	12
Ж БҮЛЭГ. НИСЛЭГИЙН УДИРДАГЧИЙН ЗЭРЭГЛЭЛ	13
65.303. Зэрэглэл авахад тавигдах шаардлага	13
65.305. Зэрэглэл.....	13
65.307. Эрх, хязгаарлалт.....	14
65.309. Дадлага, туршлагад тавигдах шаардлага	14
65.311. Зэрэглэлийн хүчин төгөлдөр байдал	15
65.313. Нислэгийн удирдагчийн давхар зэрэглэл олгох	15
З БҮЛЭГ. НИСЛЭГИЙН МЭДЭЭЛЛИЙН АЖИЛТНЫ ЗЭРЭГЛЭЛ	15
65.353. Зэрэглэл авахад тавигдах шаардлага.....	15
65.355. Зэрэглэл.....	15

65.357. Эрх, хязгаарлалт	15
65.359. Дадлага, туршлагад тавигдах шаардлага	16

И БҮЛЭГ. НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ БАГШЛАХ ЗЭРЭГЛЭЛ..... 16

65.403. Зэрэглэл авахад тавигдах шаардлага	16
65.405. Эрх, хязгаарлалт	16

К БҮЛЭГ. НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ ШАЛГАХ ЗЭРЭГЛЭЛ..... 17

65.453. Зэрэглэл авахад тавигдах шаардлага	17
65.455. Эрх, хязгаарлалт	17

ХАВСРАЛТ А

Зам, тээвэр, барилга, хот байгуулалтын сайдын 2011 оны 12 дугаар сарын 12 - ны өдрийн 348 тоот тушаалын Хавсралт

ИРГЭНИЙ НИСЭХИЙН ДҮРЭМ - 65

НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ АЖИЛТНЫ ҮНЭМЛЭХ, ЗЭРЭГЛЭЛ

А БҮЛЭГ. ЕРӨНХИЙ ЗҮЙЛ

65.1. Зорилго

(а) Энэ дүрмийн зорилго нь нислэгийн хөдөлгөөний үйлчилгээ (цаашид НХУ гэх)-ний ажилтанд мэргэжлийн үнэмлэх, зэрэглэл олгоход тавигдах шаардлага болон уг үнэмлэх, зэрэглэлийн хүрээнд эдлэх эрх, хязгаарлалтыг тогтооход оршино.

65.3. Тодорхойлолт

Зэрэглэл гэж мэргэжлийн үнэмлэх дээр тэмдэглэсэн, эсхүл түүнд хавсаргасан тусгай нөхцөл, эрх, хязгаарлалтын хүрээнд олгогдсон зөвшөөрлийг;

Нислэгийн хөдөлгөөний үйлчилгээний ажилтан гэж энэ дүрмийн дагуу нислэгийн удирдагчийн болон нислэгийн мэдээллийн ажилтны үнэмлэх эзэмшигчийг;

Нислэгийн удирдагчийн үнэмлэх эзэмшигч гэж Монгол улсын агаарын зайд энэ дүрмийн дагуу зэрэглэлд тавигдах шаардлагын хүрээнд нислэгийн хөдөлгөөний удирдлага /цаашид НХУ гэх/-ын болон нислэгийн мэдээллийн үйлчилгээ үзүүлэх эрх бүхий этгээдийг;

Сурагч нислэгийн удирдагчийн үнэмлэх эзэмшигч гэж энэ дүрмийн дагуу багшлах зэрэглэл бүхий этгээдийн хяналтан дор НХУ-ын бодит үйл ажиллагаанд эсхүл ажлын байранд танилцах дадлага хийх этгээдийг;

65.5. Ерөнхий шаардлага

(а) Нислэгийн хөдөлгөөний удирдлагын үйлчилгээнд оролцох аливаа этгээд энэ дүрмийн дагуу олгосон нислэгийн хөдөлгөөний үйлчилгээний хүчин төгөлдөр үнэмлэх, зэрэглэлтэй байна.

(б) НХУ-ний ажилтанд багшлах этгээд нь энэ дүрмийн И бүлэгт заасан хүчин төгөлдөр багшлах зэрэглэлтэй байна.

(в) НХУ-ний ажилтныг шалгах этгээд нь энэ дүрмийн К бүлэгт заасан, хүчин төгөлдөр шалгах зэрэглэлтэй байна.

65.7. Үнэмлэх ба зэрэглэл

(а) Энэ дүрмээр дараах ангиллын үнэмлэх олгож, зэрэглэл тогтооно:

1/ Үнэмлэх:

- 1.1. Нислэгийн удирдагч (цаашид НУ гэх)-ийн;
- 1.2. Нислэгийн мэдээллийн ажилтан (цаашид НМА гэх)-ны;
- 1.3. Сурагч нислэгийн удирдагчийн;

2/ Зэрэглэл:

- 2.1. Нислэгийн удирдагчийн;

- 2.1.1. Аэродромын нислэгийн удирдлагын;
- 2.1.2. Ойртолтын нислэгийн удирдлагын;
- 2.1.3. Бүсийн нислэгийн удирдлагын;
- 2.1.4. Ойртолтын ажиглалтын удирдлагын
- 2.1.5. Нарийвчлалттай ойртолтын ажиглалтын удирдлагын;
- 2.1.6. Бүсийн ажиглалтын удирдлагын;

- 2.2. Нислэгийн мэдээллийн ажилтны:
 - 2.2.1. Аэродромын нислэгийн;
 - 2.2.2. Бүсийн нислэгийн;

- 2.3. НХҮ-ний багшлах;
 - 2.3.1. Аэродромын; /НМА/
 - 2.3.2. Ойртолтын;
 - 2.3.3. Бүсийн;
 - 2.3.4. Ажиглалтын удирдлагын;/Бүсийн,Ойртолтын/

- 2.4. НХҮ-ний шалгах;
 - 2.4.1. Ажлын байрны;
 - 2.4.2. Дадлагажуурын байрны;

(б) НХҮ-ний ажилтны үнэмлэхэнд зэрэглэл, түүний хүчинтэй хугацааг заасан байна.

(в) Энэ дүрмийн дагуу олгосон үнэмлэхийг Чикагогийн конвенцийн аль нэг хэлэлцэн тохирогч улсад хүлээн зөвшөөрөх боломжтой гэдгийг Иргэний нисэхийн ерөнхий газар /ИНЕГ/-ын дарга бататгана.

(г) ИНЕГ-ын дарга нь Чикагогийн конвенцийн хэлэлцэн тохирогч аль нэг улсаас олгосон хүчин төгөлдөр үнэмлэхийг хүлээн зөвшөөрсөн тохиолдолд тухайн үнэмлэх эзэмшигчийг үнэмлэхний дагуу ажил үүрэг гүйцэтгүүлэх бол энэ дүрмийн Ж бүлгийн шаардлага хангасан байна.

65.9. Нөөц

65.11. Өргөдөл гаргах

(а) Энэ дүрмийн дагуу үнэмлэх, зэрэглэл авах, өргөдөл гаргаж буй аливаа этгээд (цаашид Өргөдөл гаргагч гэх) нь ИНЕГ-002 маягт “тохирох зөв хүн” /fit and proper person/-д тавигдах шаардлага болон ИНЕГ- 065/01 өргөдлийн маягтыг;

(б) Зэрэглэлийг баталгаажуулахаар өргөдөл гаргагч нь ИНЕГ-065/02 маягтыг, бөглөж төлбөрийн баримтын хамт ИНЕГ-ын даргад ирүүлнэ.

65.13. Үнэмлэх, зэрэглэл олгоход тавигдах ерөнхий шаардлага

(а) ИНЕГ-ын дарга нь дараах шаардлагыг хангасан өргөдөл гаргагчид энэ дүрмийн дагуу үнэмлэх, зэрэглэл олгоно. Үүнд:

- 1/ ИНЕГ-002 маягтад тавигдах шаардлагад нийцсэн байх;
- 2/ үнэмлэх, зэрэглэлийн дагуу үүрэг гүйцэтгэхэд шаардагдах хэл (монгол, англи)-ээр унших, бичих, ярих, ойлгох чадвартай;
- 3/ үнэмлэх, зэрэглэл олгохтой холбогдсон, энэ дүрэмд заагдсан бусад шаардлагуудыг хангасан;
- 4/ үнэмлэх, зэрэглэл олгосноор нисэхийн аюулгүй ажиллагаанд харшлахгүй байх.

65.15. Үнэмлэх, зэрэглэлийн хүчин төгөлдөр байдал

(а) НХҮ-ний ажилтны үнэмлэх нь үйлчлэлийг нь түдгэлзүүлсэн, хүчингүй болгосноос бусад тохиолдолд хүчин төгөлдөр байна.

65.17. Шалгалт

(а) Үнэмлэх, зэрэглэл авахаар шалгалт өгөх өргөдөл гаргагч нь:

- 1/ Иргэний үнэмлэх, эсхүл холбогдох биеийн байцаалттай байна;
- 2/ Бичгийн шалгалтад 80% ба түүнээс дээш үнэлгээ авсан байна; /Бичгийн шалгалт нь 2 сарын хугацаанд хүчинтэй байна./
- 3/ ИНД-65.21-ийн дагуу ур чадвараа шалгуулсан байна.
- 4/ Бичгийн шалгалтаа 3 сарын туршид 3 удаа хангалтгүй дүн үзүүлсэн бол сүүлчийн шалгалт авсан өдрөөс хойш тухайн шалгалтыг 3 сарын турш өгөх эрхгүй.

(б) Шалгалт авч байгаа ИНЕГ-ын шалгах эрх бүхий этгээд нь энэ зүйлийн (а) хэсэгт заасан үнэлгээг авсан өргөдөл гаргагчийн бичгийн шалгалтын үнэлгээг бататгах зорилгоор аман шалгалт авсны дараа шалгалтад тэнцсэн эсэх талаар дүгнэлт гаргана.

65.19. Шалгалтын үед хориглох зүйлс, авах арга хэмжээ

(а) Шалгалтын үед дараах зүйлийг хориглоно. Үүнд:

- 1/ мэдээллийн ямар нэгэн эх үүсвэр ашиглах болон бусдаас хуулах; эсхүл
- 2/ шалгалтын үед бусдын дэмжлэг авах; эсхүл
- 3/ бусдын өмнөөс шалгалт өгөх; эсхүл
- 4/ шалгалтын материалыг гадагш авч гарах; эсхүл
- 5/ ямар нэгэн хэрэгсэл ашиглан шалгалтын талаар болон шалгалтын материалаас бичлэг хийх.

(б) Энэ зүйлийн (а) хэсэгт заасныг зөрчсөн этгээдийн талаар ИНЕГ-ын дарга дараах шийдвэрийн аль нэгийг гаргана:

- 1/ тухайн шалгалтанд тэнцээгүйд тооцох; эсхүл
- 2/ Иргэний нисэхийн дүрмийн хүрээний аливаа шалгалтанд орох эрхийг нь 12 сар хүртэл хугацаагаар хасах; эсхүл
- 3/ энэ дүрмээр олгогдсон аливаа үнэмлэх, зэрэглэлийн үйлчлэлийг түр түдгэлзүүлэх, эсхүл хүчингүй болгох.

65.21. Мэргэжлийн ур чадварт тавигдах шаардлага

(а) Энэ дүрмийн дагуу мэргэжлийн үнэмлэх эзэмшигч нь ИНЕГ-ын даргын тогтоосон хугацаанд тухайн зэрэглэлд хамаарах ур чадвараа шалгуулна.

(б) Энэ зүйлийн (а) хэсэгт заасан шаардлагыг хангаагүй ажилтан үнэмлэх болон зэрэглэлд заасан эрхийг эдлэхгүй.

65.23. Үнэмлэхийг нөхөн олгох

(а) Үнэмлэх эзэмшигч нь үнэмлэх үрэгдүүлсэн, гэмтээсэн, бичилт нь гаргацгүй болсон тохиолдолд үнэмлэх нөхөн олгоно.

(б) Үнэмлэх эзэмшигч нь үнэмлэх нөхөн олгох тухай хүсэлтийг ИНЕГ-065/01 маягтыг бөглөж, төлбөрийн баримт, үнэмлэх үрэгдүүлсэн тухай хуулийн байгууллагад мэдэгдсэн, болон зарлуулсан баримтын хамт ИНЕГ-ын даргад ирүүлнэ.

65.25. Эрүүл мэндийн шаардлага

(а) Нислэгийн удирдагч нь ИНД-67 “Иргэний нисэхийн эрүүл мэндийн гэрчилгээ”-д заасны дагуу 3 дугаар ангиллын эрүүл мэндийн хүчин төгөлдөр гэрчилгээтэй байна.

(б) Үнэмлэх эзэмшигч нь өөрийн эрүүл мэндийн байдал муудсан тохиолдолд үнэмлэхээр олгогдох эрхээ эдлэхээс татгалзах ёстой.

65.27. Нисэхийн англи хэлний ур чадварт тавигдах шаардлага

(а) Энэ дүрмийн дагуу үнэмлэх эзэмшигч нь дараах шаардлагыг хангана:

1/ Олон улсын нислэгийн үйл ажиллагаанд оролцож буй НУ-ын үнэмлэх, зэрэглэл эзэмшигч нь энэ дүрмийн хавсралт А хэсэгт заагдсан англи хэлний ур чадварын талаарх ICAO-гийн ангиллын 4 дүгээр түвшингийн шаардлага;

2/ Олон улсын нислэгийн үйл ажиллагаанд оролцож буй НМА-ны үнэмлэх, зэрэглэл эзэмшигч нь энэ дүрмийн хавсралт А хэсэгт заагдсан англи хэлний ур чадварын талаарх ICAO-гийн ангиллын 4 дүгээр түвшингийн шаардлага.

(б) Англи хэлний түвшинг доорхи давтамжаар шалгуулж байх шаардлагатай.

4-р түвшин / 3 жил тутамд нэг удаа /

5-р түвшин / 6 жил тутамд нэг удаа /

6-р түвшин / шалгах шаардлагагүй /

(в) ИНД-141-ийн дагуу гэрчилгээжсэн, тухайн төрлийн сургалт явуулах эрх олгогдсон, эсхүл ИНЕГ–аас хүлээн зөвшөөрөгдсөн Иргэний нисэхийн сургалтын байгууллагад шалгуулан 4 ба түүнээс дээш түвшинд үнэлэгдсэн өргөдөл гаргагчийг энэ дүрмийн 65.27 (а) заалтын шаардлагыг хангасанд тооцно.

65.29. Үнэмлэх эзэмшигчийн хүлээх үүрэг

(а) Үнэмлэх эзэмшигч нь ажлын байранд мансууруулах бодис, *пийаодободобёаао оíааа* *оудуаёуиуи оíоёёёаіёё* үнэмлэх, зэрэглэлээр олгогдсон эрхээ хэрэгжүүлэхээс татгалзах үүрэгтэй.

Б.БҮЛЭГ. СУРАГЧ НИСЛЭГИЙН УДИРДАГЧИЙН ҮНЭМЛЭХ**65.51. Үнэмлэх авахад тавигдах шаардлага**

(а) Өргөдөл гаргагч нь дараах шаардлагуудыг хангасан байна:

1/ 18 нас хүрсэн байх;

2/ ИНД-67–д заасны дагуу 3 дугаар ангиллын хүчин төгөлдөр эрүүл мэндийн гэрчилгээтэй байх;

3/ Агаарын хөлгийн удирдлагын бүхээгт 10-аас доошгүй цаг танилцах дадлага хийсэн байх;

4/ Нислэгийн удирдагчийн мэргэжлийн боловсрол олгох сургалтанд дараах сэдвүүдийг багтаасан сургалтанд амжилттай хамрагдсан байх. Үүнд:

4.1. иргэний нисэхийн хууль, дүрэм;

4.2. нислэгийн хөдөлгөөний удирдлагын тоног төхөөрөмж: ажиллах зарчим, ашиглалт, хязгаарлалт;

4.3. агаарын хөлгийн тухай ерөнхий ойлголт: нислэгийн зарчим, агаарын хөлөг, хөдөлгүүр болон систем, тоног төхөөрөмжийн ажиллагааны ерөнхий зарчим, техникийн үзүүлэлтүүд;

4.4. хүний хүчин зүйл: нислэгийн хөдөлгөөний удирдлагын ажлын үүрэг

хариуцлага, ажлын ачаалал, алжаал ядаргаа, хүний чадвар, боломж, хүмүүсийн хоорондын харилцааны асуудлууд, ажлын байрны зохион байгуулалт, тоног төхөөрөмж гэх мэт.

4.5. *цаг уурын мэдээлэл*: аэронавигацийн цаг уур, цаг уурын баримт, мэдээллийг хүлээн авч зөв хэрэглэх, нислэгийн үйл ажиллагаа, аюулгүй байдалд нөлөөлөх цаг агаарын өөрчлөлтийн эх үүсвэр, онцгой шинж чанар, өндрийн хэмжигдэхүүн;

4.6. *навигаци*: агаарын зай дахь навигацийн үндсэн зарчим, агаарын хөлгийн болон газрын навигацийн систем, ил харааны зарчим, тэдгээрийн хязгаарлалт болон нарийвчлал, тоног төхөөрөмж;

4.7. *ажлын горим*: нислэгийн хөдөлгөөний удирдлага, харилцаа холбоо, радио холбоо, нислэгийн холбооны хэллэг (чиглэлийн болон чиглэлийн бус нислэг, онцгой нөхцөл байдлын), нисэхийн бичиг баримтыг ашиглах, нислэгтэй холбоотой аюулгүй ажиллагааны дадлага туршлага.

(б) Энэ зүйлийн (а) хэсгийн 4/-т хамаарах сургалт, дадлагыг дараах байгууллага гүйцэтгэсэн байна:

1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;

(в) Чикагогийн конвенцийн хэлэлцэн тохирогч аль нэг улсаас олгосон НУ-ийн хүчин төгөлдөр мэргэжлийн үнэмлэх эзэмшигчийг энэ зүйлийн (а) хэсгийн 4/-т шаардсан агаарын хөлгийн тухай ерөнхий мэдлэг, цаг уурын болон навигацийн талаарх шалгалтыг өгсөнд тооцож болно.

(г) Өргөдөл гаргагч нь зөвшөөрөгдсөн сургалт дадлагад хамрагдсан, мөн багшлах зэрэглэлтэй НУ-ийн хяналт дор нислэгийн хөдөлгөөний удирдлагын бодит ажиллагаатай 3 сараас доошгүй хугацаагаар танилцсан байх.

65.53. Эрх, хязгаарлалт

(а) Сурагч нислэгийн удирдагчийн үнэмлэх эзэмшигч нь нислэгийн удирдагчийн ажлыг гүйцэтгэх дадлага, туршлага олж авах зорилгоор энэ дүрмийн И бүлэгт заагдсан нислэгийн хөдөлгөөний үйлчилгээний багшлах зэрэглэлтэй нислэгийн удирдагчийн хяналтан дор нислэг хөдөлгөөн удирдлагын үйл ажиллагаанд дараах хэлбэрээр оролцох эрхтэй:

- 1/ Нислэгийн удирдагчийн үнэмлэх авахад бэлтгэх зорилгоор;
- 2/ Нислэгийн хөдөлгөөний удирдлагатай танилцах зорилгоор.

65.55. Дадлага туршлагад тавигдах шаардлага

(а) Үнэмлэх эзэмшигч нь энэ дүрмийн дагуу сурагч нислэгийн удирдагчийн үнэмлэх олгогдсоноос хойш 12 сарын хугацаанд НУ-ийн үнэмлэх олгогдоогүй бол ИНЕГ-ын даргад тусгайлан өргөдөл гаргана.

В БҮЛЭГ. НИСЛЭГИЙН УДИРДАГЧИЙН ҮНЭМЛЭХ

65.103. Үнэмлэх авахад тавигдах шаардлага

(а) Өргөдөл гаргагч нь дараах шаардлагуудыг хангасан байна:

- 1/ 21 нас хүрсэн байх;
- 2/ ИНД-67–д заасны дагуу 3 дугаар ангиллын эрүүл мэндийн хүчин төгөлдөр гэрчилгээтэй байх;

3/ Агаарын хөлгийн удирдлагын бүхээгт 5-аас доошгүй цаг танилцах дадлага хийсэн байх;

4/ Дараах сэдвүүдийг багтаасан сургалтад амжилттай хамрагдсан байх. Үүнд:

- 4.1. иргэний нисэхийн хууль, дүрэм;
- 4.2. *нислэгийн хөдөлгөөний удирдлагын тоног төхөөрөмж*: ажиллах зарчим, ашиглалт, хязгаарлалт;
- 4.3. *агаарын хөлгийн тухай ерөнхий ойлголт*: нислэгийн зарчим, агаарын хөлөг, хөдөлгүүр болон систем, тоног төхөөрөмжийн ажиллагааны ерөнхий зарчим, техникийн үзүүлэлтүүд;
- 4.4. *хүний хүчин зүйл*: нислэгийн хөдөлгөөний удирдлагын ажлын үүрэг хариуцлага, ажлын ачаалал, алжаал ядаргаа, хүний чадвар, боломж, хүмүүсийн хоорондын харилцааны асуудлууд, ажлын байрны зохион байгуулалт, тоног төхөөрөмж гэх мэт.
- 4.5. *цаг уурын мэдээлэл*: аэронавигацийн цаг уур, цаг уурын баримт, мэдээллийг хүлээн авч зөв хэрэглэх, нислэгийн үйл ажиллагаа, аюулгүй байдалд нөлөөлөх цаг агаарын өөрчлөлтийн эх үүсвэр, онцгой шинж чанар, өндрийн хэмжигдэхүүн;
- 4.6. *навигаци*: агаарын зай дахь навигацийн үндсэн зарчим, агаарын хөлгийн болон газрын навигацийн систем, ил харааны зарчим, тэдгээрийн хязгаарлалт болон нарийвчлал, тоног төхөөрөмж;
- 4.7. *ажлын горим*: нислэгийн хөдөлгөөний удирдлага, харилцаа холбоо, радио холбоо, нислэгийн холбооны хэллэг (чиглэлийн болон чиглэлийн бус нислэг, онцгой нөхцөл байдлын), нисэхийн бичиг баримтыг ашиглах, нислэгтэй холбоотой аюулгүй ажиллагааны дадлага туршлага.

5/ Энэ дүрмийн Ж Бүлгийн 65.305-ын холбогдох шаардлагыг;

6/ ИНЕГ-ын шалгах эрх бүхий этгээдэд холбогдох шалгалтыг өгч шалгуулсан байх;

7/ Чикагогийн конвенцийн Хэлэлцэн тохирогч аль нэг улсаас олгосон хүчин төгөлдөр үнэмлэхний дагуу 2-оос доошгүй жил ажил үүрэг гүйцэтгэсэн дадлага туршлагатай байх;

(б) Энэ зүйлийн (а) хэсгийн 4/-т хамаарах сургалт, дадлагыг дараах байгууллагад гүйцэтгэсэн байна:

- 1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон, эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;
- 2/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага.

(в) Чикагогийн конвенцийн хэлэлцэн тохирогч аль нэг улсаас олгосон нислэгийн удирдагчийн хүчин төгөлдөр мэргэжлийн үнэмлэх эзэмшигчийг энэ зүйлийн (а) хэсгийн 4/-т шаардсан агаарын хөлгийн тухай ерөнхий мэдлэг, цаг уурын болон навигацийн талаарх шалгалтыг өгсөнд тооцож болно.

65.105. Эрх, хязгаарлалт

(а) НУ-ийн үнэмлэх эзэмшигч нь дараах үнэмлэх, зэрэглэлээр олгогдох эрхийг хэрэгжүүлж болно:

- 1/ Нислэгийн мэдээллийн ажилтны үнэмлэх, зэрэглэл;
- 2/ тухайн үнэмлэх эзэмшигчид олгогдсон аливаа хүчин төгөлдөр зэрэглэлүүд.

(б) ИНЕГ-ын даргаас зохих зөвшөөрөл олгогдоогүй үнэмлэх эзэмшигч үйлдвэрлэлийн орчинд ажилтнуудад зааварчлага өгөхийг хориглоно.

Г БҮЛЭГ. НӨӨЦ**Д БҮЛЭГ. НИСЛЭГИЙН МЭДЭЭЛЛИЙН АЖИЛТНЫ ҮНЭМЛЭХ****65.203. Үнэмлэх авахад тавигдах шаардлага**

(а) Өргөдөл гаргагч нь дараах шаардлагыг хангасан байна:

- 1/ 18 нас хүрсэн;
- 2/ Өмнөх 12 сарын хугацаанд НХҮ-ний зохих сургалтанд хамрагдсан;
- 3/ Агаарын хөлгийн удирдлагын бүхээгт 5-аас доошгүй цаг танилцах дадлага хийсэн байх;
- 4/ НМА-ны үүрэгт хамаарах дараах сэдвүүдээр шалгалт өгч хангалттай үнэлгээ авсан байна. Үүнд:
 - 4.1. иргэний нисэхийн хууль, дүрэм;
 - 4.2. НХҮ-ний ерөнхий мэдлэг;
 - 4.3. *үйл ажиллагааны горим*: нислэгийн холбооны хэллэг, теле холбооны сүлжээний ажиллагаа;
 - 4.4. *хүний хүчин зүйл*: нислэгийн хөдөлгөөний удирдлагын ажлын үүрэг хариуцлага, ажлын ачаалал, хүний чадвар, боломж, хүмүүсийн хоорондын харилцааны асуудлууд гэх мэт;
 - 4.5. *теле холбооны тоног төхөөрөмж*: ажиллах зарчим, аэронавигацийн мэдээллийн хэлбэр, ашиглах зарчим.

5/ Дараах чиглэлээр, Нислэгийн мэдээллийн ажилтны үүргийг гүйцэтгэх чадвараа шалгуулсан байх:

- 5.1. ашиглаж байгаа холбооны тоног төхөөрөмжийн ашиглалт;
- 5.2. аэронавигацийн мэдээллийг түргэн шуурхай, алдаагүй дамжуулах, хүлээн авах.

(б) Энэ зүйлийн (а) хэсгийн 4/-т хамаарах сургалт, дадлагыг дараах байгууллагад гүйцэтгэсэн байна:

- 1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон, эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;
- 2/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага;
- 3/ ИНЕГ-ын шалгах эрх бүхий этгээдэд холбогдох шалгалтыг өгч шалгуулсан байх.

65.205. Эрх, хязгаарлалт

(а) НМА-ны үнэмлэх эзэмшигч нь аэронавигацийн үйлчилгээний нэгжид нислэгийн мэдээллийн ажилтнаар ажиллах эрхийг эдэлнэ.

(б) НМА-ны үнэмлэх эзэмшигч нь дадлагыг НХҮ-ний багшлах зэрэглэлтэй ажилтны шууд удирдлага дор гүйцэтгэнэ.

(в) Тухайн үнэмлэхээр олгосон эрхийг эдлэхээс өмнө үнэмлэх эзэмшигч нь аэронавигацийн үйлчилгээний нэгжид мөрдөж байгаа үйл ажиллагааны журам болон ашиглагдаж буй тоног төхөөрөмжид хамаарах бүх мэдээлэлтэй танилцсан байна.

Е БҮЛЭГ. НӨӨЦ

Ж БҮЛЭГ. НИСЛЭГИЙН УДИРДАГЧИЙН ЗЭРЭГЛЭЛ

65.303. Зэрэглэл авахад тавигдах шаардлага

(а) Өргөдөл гаргагч нь дараах шаардлагыг хангасан байна:

- 1/ Энэ дүрмийн дагуу нислэгийн удирдагчийн тухайн зэрэглэлийн дагуу үүрэгт ажлыг гүйцэтгэх шаардлагын хүрээнд 65.305 (а)-д заасан сэдвүүдийг багтаасан сургалтад амжилттай хамрагдсан байх;
- 2/ Энэ дүрмийн 65.305-ын (б)-д заасан зэрэглэлүүдийн аль нэгийнх нь хувьд дадлага, туршлагад тавигдах шаардлагыг хангасан байх;
- 3/ ИНЕГ-ын шалгах эрх бүхий этгээдэд НУ-ийн ажил үүргийг гүйцэтгэх ур чадвараа шалгуулсан байх.

(б) Энэ зүйлийн (а) хэсэгт хамаарах сургалт, дадлагыг дараах байгууллагад гүйцэтгэсэн байна:

- 1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон, эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;
- 2/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага.

65.305. Зэрэглэл

(а) Холбогдох сургалтад хамрагдаж хангалттай үнэлгээ авсан, зохих зэрэглэлд хамаарах дараах шаардлагыг хангасан НУ-ийн үнэмлэх эзэмшигчид харгалзах зэрэглэлүүдийг тогтооно. Үүнд:

- 1/ *аэродромын нислэгийн удирдлагын зэрэглэл*: аэродромын байрлал, зохион байгуулалт, ил харааны тоноглол, агаарын зайн бүтэц, холбогдох хууль, дүрэм, ажлын горим, мэдээллийн эх үүсвэр, нислэгийн удирдлагын тоног төхөөрөмж, тэдгээрийн ашиглалт, орон нутгийн онцлог, нислэгийн хөдөлгөөний онцлог, цаг агаарын үзэгдэл, онцгой тохиолдол, нөхцөл, эрэн хайх, авран туслах төлөвлөгөө;
- 2/ *ойртолтын болон бүсийн удирдлагын зэрэглэл*: агаарын зайн бүтэц зохион байгуулалт, холбогдох хууль, дүрэм, аэронавигацийн тоног төхөөрөмж, тэдгээрийн хүчин чадал, орон нутгийн онцлог, нислэгийн хөдөлгөөний онцлог, цаг агаарын үзэгдэл, аэродромын бүсийн нислэг үйлдэх заавар, онцгой тохиолдол, нөхцөл, эрэн хайх, авран туслах төлөвлөгөө;
- 3/ *ойртолтын ажиглалтын, ойртолтын нарийвчлалтай радар болон бүсийн ажиглалтын удирдлагын зэрэглэл*: энэ хэсгийн 2/-т заасан шаардлагыг хангасан байх ба олгогдсон эрхэд хамаарах мэдлэгийн түвшингээ дараах нэмэлт сэдвүүдээр шалгуулна:

- 3.1. ажиглалтын болон бусад хяналтын тоног төхөөрөмж, системийн ашиглалт, түүнд тавигдах хязгаарлалт, үндсэн зарчмууд;
- 3.2. ойртолтын, нарийвчлалтай ойртолтын, эсхүл бүсийн ажиглалтын удирдлагын үйлчилгээний журмууд.

(б) НХУ-ний багшлах зэрэглэлтэй этгээдийн шууд удирдлаган дор ажиллаж, дараах туршлагыг хуримтлуулсан байна:

- 1/ аэродромын нислэгийн удирдлагын зэрэглэл горилоч үнэмлэх эзэмшигчийн хувьд аэродромын НХУ-ын үйлчилгээг 90-ээс доошгүй цаг, эсхүл 1 сарын хугацаагаар гүйцэтгэсэн байх;
- 2/ ойртолтын, ойртолтын ажиглалтын удирдлагын, бүсийн болон бүсийн ажиглалтын удирдлагын зэрэглэл горилоч үнэмлэх эзэмшигчийн хувьд

шаардагдах ажлын байранд аэродромын, бүсийн НХУ-ын үйлчилгээг 180-аас доошгүй цаг, эсхүл 3 сарын хугацаагаар гүйцэтгэсэн байх;

- 3/ ойртолтын нарийвчлалтай радар-удирдлагын зэрэглэл авахад 200-аас доошгүй удаагийн нарийвчлалтай ойртолтыг удирдсан, үүний 100-аас дээшгүйг нь ИНЕГ-ын даргын зөвшөөрсөн радарын дадлагажуур дээр гүйцэтгэсэн, мөн 50-иас доошгүйг нь тухайн зэрэглэлээр үйл ажиллагаанд оролцож болох нэгж болон тоног төхөөрөмж дээр гүйцэтгэсэн байх.

(в) Ойртолтын ажиглалтын удирдлагын зэрэглэлээр эдлэх эрх нь ойртолтын радар-удирдлагын үүргийг хамрах бол, 25-аас доошгүй PPI (plan position indicator)-ыг тухайн тоног төхөөрөмжийг ашиглаж байгаа, тухайн зэрэглэлээр үйл ажиллагаанд оролцож болох нэгж дээр зохих зэрэглэлтэй НУ-ийн удирдлага дор гүйцэтгэсэн байна.

(г) Энэ зүйлийн (б) хэсэгт заасан сэдвээр дараах байгууллагаас зохион байгуулсан сургалт дадлагад хамрагдсан байна:

- 1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;
- 2/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага.

(д) ИНЕГ-ын шалгах эрх бүхий этгээдэд НХУ-ыг аюулгүй, шуурхай гүйцэтгэх, нөхцөл байдалд үнэлгээ өгөх үр чадвараа ажлын байран дээр шалгуулсан байна.

65.307. Эрх, хязгаарлалт

(а) Үнэмлэх эзэмшигч нь тогтоогдсон зэрэглэлийн дагуу ажиллах эрхтэй.

(б) НУ-ийн зэрэглэл тус бүр нь дараах эрх, үүргийг тодорхойлно:

- 1/ Аэродромын нислэгийн удирдлагын зэрэглэл нь үйлчилгээ явагдах аэродромд НХУ-ын үйлчилгээ үзүүлэх, түүнд хяналт тавих;
- 2/ Ойртолтын нислэгийн удирдлагын зэрэглэл нь үйлчилгээ явагдах аэродром(ууд)-ын ойртолтын НХУ-ын үйлчилгээ үзүүлэх, хяналт тавих;
- 3/ Бүсийн нислэгийн удирдлагын зэрэглэл нь тогтоогдсон хяналттай агаарын зай буюу агаарын замын дагуу НХУ-ын үйлчилгээ үзүүлэх, хяналт тавих;
- 4/ Ойртолтын ажиглалтын удирдлагын зэрэглэл нь ойртолтын НХУ-ын үйлчилгээ үзүүлэх нэгжийн хариуцлагын дор тухайн аэродром(ууд)-ын хариуцлагын бүсэд бодит ажиглалтын систем ашиглан НХУ-ын үйлчилгээ үзүүлэх, хяналт тавих;
- 5/ Ойртолтын нарийвчлалтай радар-удирдлагын зэрэглэл нь тухайн аэродромын хөдөлгөөнд нарийвчлалтай ойртолтын радар-удирдлагын үйлчилгээ үзүүлэх, хяналт тавих;
- 6/ Бүсийн ажиглалтын удирдлагын зэрэглэл нь тогтоогдсон хяналттай агаарын зай буюу агаарын замын дагуу бодит ажиглалтын тоног төхөөрөмжийн тусламжтайгаар НХУ-ын үйлчилгээ үзүүлэх, хяналт тавих.

(в) Үнэмлэх эзэмшигч нь олгогдсон зэрэглэлийн дагуу үүрэг гүйцэтгэж эхлэхийн өмнө холбогдох бүх бодит мэдээлэлтэй танилцсан байна.

65.309. Дадлага, туршлагад тавигдах шаардлага

(а) Энэ дүрмийн 65.305 хэсэгт заасан дадлага туршлагыг өргөдөл гаргахаас өмнөх 6 сарын хугацаанд эзэмшсэн байна.

(б) Зэрэглэл тогтоогдсон үнэмлэх эзэмшигч нь энэ дүрмийн дагуу олгосон зэрэглэлийн дагуу тухайн ажлын байранд сард 10-аас доошгүй цаг ажилласан, эсхүл дадлагажуурт

дадлага хийж ур чадвараа хадгалах ба сүүлийн 21 хоногт олгогдсон зэрэглэлийн дагуу үүрэг гүйцэтгээгүй бол бие дааж ажиллах чадвараа дахин шалгуулна.

(в) Зэрэглэл тогтоогдсон үнэмлэх эзэмшигч нь энэ дүрмийн дагуу олгосон зэрэглэлийн дагуу тухайн ажлын байранд сүүлийн 6 сар үүрэг гүйцэтгээгүй бол бие даан ажиллахын өмнө энэ дүрмийн 65.305-ын шаардлагыг хангана.

(г) Зэрэглэл тогтоогдсон үнэмлэх эзэмшигч нь жилд нэгээс доошгүй удаа сэргээх, давтан болон онцгой тохиолдолын сургалтанд хамрагдсан байна.

65.311. Зэрэглэлийн хүчин төгөлдөр байдал

(а) Зэрэглэл тогтоогдсон үнэмлэх эзэмшигч нь НУ-ийн зэрэглэлээр олгогдсон эрхээ тасралтгүй үргэлжилсэн 6 сарын турш хэрэгжүүлээгүй тохиолдолд ИНЕГ-ын дарга тухайн зэрэглэлийг хүчингүйд тооцно.

(á) ÍŌŌ-ийг сүдүäеүе эзэмшигч нь сүдүäеүеëëí хүчинтэй хугацаа дуусахаас 14-өөс доошгүй хоногийн өмнө сүдүäеүе баталгаажуулах хүсэлтийг ИНЕГ-065/02 маягтын дагуу гаргана.

65.313. Нислэгийн удирдагчийн давхар зэрэглэл олгох

(а) НУ-ийн давхар зэрэглэл авахаар өргөдөл гаргасан тохиолдолд, ИНЕГ-ын дарга нь зэрэглэл тус бүрийн шаардлагад тулгуурласан зохих шаардлагыг шинээр тодорхойлно.

3 БҮЛЭГ. НИСЛЭГИЙН МЭДЭЭЛЛИЙН АЖИЛТНЫ ЗЭРЭГЛЭЛ

65.353. Зэрэглэл авахад тавигдах шаардлага

(а) Нислэгийн мэдээллийн ажилтны зэрэглэл авах, баталгаажуулах, давхар зэрэглэл авахаар өргөдөл гаргагч нь дараах шаардлагыг хангасан байна:

- 1/ нислэгийн мэдээллийн ажилтны хүчин төгөлдөр үнэмлэхтэй байх;
- 2/ ИНД-141-ийн дагуу гэрчилгээжсэн, эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллагыг амжилттай төгссөн байх,
- 3/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага.
- 4/ Нислэгийн мэдээллийн ажилтны зэрэглэл горилогч үнэмлэх эзэмшигчийн хувьд багшлах зэрэглэлтэй этгээдийн удирдлаган дор нислэгийн мэдээллийн үйлчилгээг 80-ээс доошгүй цаг, эсхүл 2 сарын хугацаагаар гүйцэтгэсэн байх;
- 5/ ИНЕГ-ын шалгах эрх бүхий этгээдэд ажил үйлчилгээ явуулах болон нөхцөл байдалд үнэлгээ өгөх чадвар, тухайн зэрэглэлд хамаарах нэгж дээр нислэгийн мэдээллийн үйлчилгээ явуулах ур чадвараа шалгуулсан байх.

65.355. Зэрэглэл

(а) Энэ дүрмийн дагуу Нислэгийн мэдээллийн ажилтны дараах зэрэглэлийг олгоно. Үүнд:

- 1/ Аэродромын нислэгийн мэдээллийн;
- 2/ Бүсийн нислэгийн мэдээллийн.

65.357. Эрх, хязгаарлалт

(а) Нислэгийн мэдээллийн ажилтны зэрэглэл нь дараах эрх, үүргийг тодорхойлно:

- 1/ Аэродромын нислэгийн мэдээллийн зэрэглэлтэй үнэмлэх эзэмшигчийн хувьд, нислэгийн мэдээллийн үйлчилгээгээр хангагдах аэродромын бүсэд нислэгийн мэдээллийн үйлчилгээг үзүүлэхтэй холбоотой эрх, үүргийг хэрэгжүүлэх;

- 2/ Бүсийн нислэгийн мэдээллийн зэрэглэлтэй үнэмлэх эзэмшигчийн хувьд түүнд зөвшөөрөгдсөн бүс(үүд)-эд нислэгийн мэдээллийн үйлчилгээ үзүүлэхтэй холбоотой эрх үүргийг хэрэгжүүлэх.

(б) Бүсийн нислэгийн мэдээллийн зэрэглэл бүхий ажилтан нь энэ зүйлийн (а) хэсгийн 1-д заасан аэродромын бүсэд эрх үүргийг хэрэгжүүлэх эрхтэй.

65.359. Дадлага, туршлагад тавигдах шаардлага

(а) Зэрэглэл тогтоогдсон үнэмлэх эзэмшигч нь энэ дүрмийн дагуу зэрэглэл тогтоолгосноос хойш тухайн ажлын байранд сүүлийн 28 хоногт үүрэг гүйцэтгээгүй бол бие дааж үүрэг гүйцэтгэх чадвараа дахин шалгуулна.

(б) Зэрэглэл тогтоогдсон үнэмлэх эзэмшигч нь тухайн зэрэглэлийг тогтоолгосноос хойш ажлын байранд 6 сар үүрэг гүйцэтгээгүй бол бие дааж ажиллахын өмнө энэ дүрмийн 65.353-ын (а) хэсгийн 3-т заасан шаардлагыг хангасан байна.

И БҮЛЭГ. НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ БАГШЛАХ ЗЭРЭГЛЭЛ

65.403. Зэрэглэл авахад тавигдах шаардлага

(а) НХҮ-ний багшийн зэрэглэл тогтоолгохоор өргөдөл гаргагч нь дараах шаардлагыг хангасан байна:

- 1/ НХҮ-ний ажилтны хүчин төгөлдөр үнэмлэхтэй байх;
- 2/ нисэхийн англи хэлний ур чадварын 4-р түвшинг хангасан байх;
- 3/ нислэгийн удирдагчийн үүргийг 8-аас доошгүй түүнээс нэг ажлын байранд 4-с доошгүй жил гүйцэтгэсэн байх;
- 4/ Зохих сургалтанд хамрагдаж амжилттай төгссөн байх;
- 5/ ИНЕГ-ын шалгах эрх бүхий этгээдэд онол, дадлагаа шалгуулахын хамт тухайн зэрэглэлд заасан эрх, үүргийг гүйцэтгэх ур чадвараа харуулсан байх.

(б) Энэ зүйлийн (а) хэсгийн 4/-т заасан шалгалтыг дараах байгууллага авна:

- 1/ ИНД-141-ийн дагуу гэрчилгээжсэн, тухайн төрлийн сургалт дадлага явуулах эрх олгогдсон, эсхүл ИНЕГ-аас хүлээн зөвшөөрөгдсөн Иргэний нисэхийн сургалтын байгууллага;
- 2/ ИНД-172-ын дагуу гэрчилгээжсэн, тухайн төрлийн сургалт дадлага явуулах эрх олгогдсон байгууллага.

65.405. Эрх, хязгаарлалт

(а) НХҮ-ний багшлах зэрэглэл тогтоогдсон үнэмлэх эзэмшигч нь дараах эрхүүдийг хэрэгжүүлнэ:

- 1/ Сурагч нислэгийн удирдагчид багшлах;
- 2/ сургалтанд хамрагдсан нислэгийн хөдөлгөөний ажилтан болон эрхээ сэргээх зорилгоор НХҮ гүйцэтгэж буй ажилтанд багшлах;
- 3/ НХҮ-ний зэрэглэл авах этгээдэд багшлах.

(б) НХҮ-ний багшлах зэрэглэл тогтоогдсон үнэмлэх эзэмшигч нь НХҮ-ний аливаа эрхээ хэрэгжүүлэхдээ:

- 1/ НХҮ үзүүлэхэд шаардагдах хүчин төгөлдөр үнэмлэх, зэрэглэлтэй байна;
- 2/ Энэ зүйлийн (а) хэсэгт заагдсан эрхийг хэрэгжүүлэхдээ ИНД-141-ийн дагуу гэрчилгээжсэн Иргэний нисэхийн сургалтын байгууллага, эсхүл ИНД-172-ын дагуу гэрчилгээжсэн НХҮ-ний байгууллагын шууд удирдлагад ажиллана.

- 3/ НХҮ-ний зэрэглэл тогтоолгох этгээдэд багшлахын тулд өмнөх 13 сарын хугацаанд ИНЕГ-ын шалгах эрх бүхий этгээдэд холбогдох шалгалтыг өгч, дадлагаа шалгуулахын хамт тухайн эрхийг хэрэгжүүлэх ур чадвараа харуулсан байна.

К БҮЛЭГ. НИСЛЭГИЙН ХӨДӨЛГӨӨНИЙ ҮЙЛЧИЛГЭЭНИЙ ШАЛГАХ ЗЭРЭГЛЭЛ

65.453. Зэрэглэл авахад тавигдах шаардлага

(а) НХҮ-ний шалгах зэрэглэл авахаар өргөдөл гаргагч нь дараах шаардлагыг хангасан байна:

- 1/ Нислэгийн удирдагчийн хүчин төгөлдөр үнэмлэхтэй байх;
- 2/ Нислэгийн удирдагчийн үүргийг 10-аас доошгүй жил гүйцэтгэсэн байх;
- 3/ Нислэгийн хөдөлгөөний үйлчилгээний тухайн зэрэглэлээр багшлах зэрэглэлээр 3-с доошгүй жил ажилласан;
- 4/ Ажлын байр болон дадлагажуур дээр сургалт явуулах, үзүүлэн материал ашиглан зааварчлага өгөх чадвартай;
- 5/ ИНЕГ-ын шалгах эрх бүхий этгээдэд шалгах үүрэг гүйцэтгэх чадвараа шалгуулсан байх.

65.455. Эрх, хязгаарлалт

(а) НХҮ-ний шалгах зэрэглэл тогтоогдсон үнэмлэх эзэмшигч нь дараах эрхтэй:

- 1/ НҮ-ийн зэрэглэл олгох, эрх сэргээх, баталгаажуулах зорилго бүхий дадлагыг шалгах, дүгнэлт гаргах.

(б) НХҮ-ний шалгах зэрэглэл тогтоогдсон үнэмлэх эзэмшигч нь НХҮ-нд оролцохдоо:

- 1/ Холбогдох зэрэглэл бүхий хүчин төгөлдөр НХҮ-ний үнэмлэхтэй байна;
- 2/ ИНД-141-ийн дагуу гэрчилгээжсэн Иргэний нисэхийн сургалтын байгууллагын хүрээнд , эсхүл ИНД-172-ын дагуу гэрчилгээжсэн НХҮ-ний байгууллагын хүрээнд шалгалт авах эрхтэй байна.
- 3/ ИНЕГ-ын шалгах эрх бүхий этгээдэд холбогдох шалгалтыг өгч, дадлагаа шалгуулахын хамт шалгах эрх, үүргийг хэрэгжүүлэх ур чадвараа харуулна.

(в) Шалгах зэрэглэл тогтоогдсон үнэмлэх эзэмшигч нь НХҮ-нд шууд оролцохгүй тохиолдолд эрүүл мэндийн гэрчилгээ эзэмших шаардлагагүй.

